


Baibuli y'Abaana
yaaza kukworeka



Eiguru
Owa
Ruhanga



Ekahandiikwa: Edward Hughes

Ebishushani bikateerwa: Lazarus

Ekateekateekwa: Sarah S.

Ekahindurwa: Z. Kabaza


Ekashohozibwa: Bible for Children
www.M1914.org

©2012 Bible for Children, Inc.

Noobasa kukopoorora nari okuteera omu kyoma akatabo k'ebigambo ebi,
kwonka torikwikirizibwa kukatunda.



Yesu ku yaabaire akiri omu nsi,
yaagambira abeegi be eby'Eiguru.
Akagira ati: "Omu nju ya Tata:
harimu emyanya mingi".
Eiguru nirikira
ensi oburungi.



Yesu akagira ati: "Ninza kubashemereza omwanya. Kandi ku ndaabe ninza kubashemereza omwanya, ndyagaruka aha, mbatware ei ndi". Ku yaazookire, yaaza omu iguru. Akatwarwa ahaiguru abeegi be nibamureeba, ekicu kyamubakingira.






Okuruga obwo, Abakristo batuura nibaijuka ku Yesu
yaaraganiise kugaruka kubatwara. Akagira ngu
aryaija kitaraaririire, omu kaanya kakye.

Mbwenu shi Abakristo abafa
atakagarukire baryaba bata?
Baibuli neetumanyisa ngu
ahonaaho baza owa
Yesu. Baaba batari
mu mubiri, nibaba
bari na Mukama.

Okushuuuruurwa, ekitabo ekirikuhereeruka omuri
Baibuli, nikitugambira ngu eiguru n'ery'okutangaaza
munonga. Ekirikukira okutangaaza n'ahabw'okuba
nimwo Ruhanga ataaha. Ruhanga ari hoona, kwonka

entebe ye y'obukama
etaaha omu iguru.



Baamaraika n'ebihangirwe
byona eby'omu iguru,
baramya Ruhanga.

Baine ebyeshongoro
byabo ebi bahimbisia
Ruhanga.




Ebigambo ebi biri omuri kimwe aha
byeshongoro bi beeshongora:
OSHEMEREIRE KUTWARA
EKITABO N'OKUBAMBURA
OBUMANYISO BWAKYO,
AHABW'OKUBA
OKAITWA, ...




... WAACUNGURIRA RUHANGA ABANTU
N'ESHAGAMA YAAWE, AB'ENGANDA ZOONA
N'ENDIMI ZOONA N'ABANTU
BOONA N'AMAHANGA
GOONA, WAABA Hindura
OBUKAMA N'ABANYAMURWA
AHARI
RUHANGA
WAITU
(Kush 5:9).



Eshuura ezirikuhereeruka omuri Baibuli nizigira
ngu Eiguru riine orurembo, "Yerusaalemu ensya". Ni
ruhango munonga, munonga, kandi rwehinguririziibwe
orugo ruraingwa bwemi. Rwombekirwe amabaare ga
yasipi, nirwengyengyeta nk'endeerwamu.



Emisingi yaarwo etonire n'amabaare g'emiringo yoona ag'obuguzi bwingi. Rwine amarembo ikumi n'abiri, buri irembo rikozirwe n'eruuuru emwe mpango.




Amarembo ago tigakingwa. Rwombekirwe n'ezaabu omunda, kandi enguuto yaarwo ekozirwe n'ezaabu nungi erikwengyengyeta nk'endeerwamu.




Omugyera gw'amaizi g'amagara ogurikwengyengyeta guruga omu kitebe kya Ruhanga eky'obukama. Seeri na Seenu y'ogwo mugyera hariyo omuti gw'amagara. Ijuka ngu n'omu kibanja Edeni hakaba hariyo omuti gw'amagara. Gwo omuti ogu n'ogw'omutaano. Gwana ebyana by'emiringo ikumi n'ebiri, nigwana ekyana ky'omuringo gumwe buri kwezi, kandi amababi


gaagwo nigatambira
amahanga.



Eiguru tiririkwetenga izooba nari okwezi okuryakira.
Ekitiinisa kya Ruhanga nikyo kiriyakira. Tibwira.




Omu iguru hariyo obusingye. Omushega guryataaha n'omwana gw'entaama. Enyana n'entare n'enimi y'ekimasha ekigomokire biryaguma hamwe. Ebyo byona tibirikora kubi, n'obu kwakuba okwita aha rushozi rwangye rwona orurikwera.



Haine ebitari
mu iguru.
Tihariyo
kugambisa
kiniga.
Tihariyo
kurwana
nari
okwefaho
wenka.
Tihariyo
kufuru
aha nyigi,
ahabw'okuba
tihariyo baibi.


Tihariyo abanyabishuba,
n'abaitsi b'abantu,
n'abarogi, n'obu
bakuba ababi
ab'emiringo
etaagambwa.
Manya
omu iguru
tihariyo
kibi kyona.



Omu iguru abantu tibarira,
ahakuba bari ei Ruhanga atuura.
Omu nsi omu obundi abantu ba
Ruhanga nibarira ahabw'obusaasi
butaahamu. Omu iguru Ruhanga
aryaragaza amarira goona.



Omu iguru okufa nakwo tikubayo. Abantu ba
Ruhanga baryaguma na Mukama ebiro byona.
Tihariyo naku, nari obusaasi, nari okurira.
Tihariyo ndwara,
nari okusiibura,
nari okuziika.
Buri weena
oriyo atuura
ashemereirwe
ahakuba ari
hamwe na
Ruhanga.




Kandi ekirikushemeza munonga,
aboojo n'abaishiki bariyo, n'abakuru
nabo; abo boona abaikiriize Yesu
Kristo Omujuni akabajuna,
bakamworobera nka Mukama
waabo - boona bariyo.



Omu iguru hariyo EKITABO
KY'AMAGARA. Kiijwire amaziina
g'abantu. Noomanya abu amaziina
gaabo gahandiikirwemu? Abantu
boona abaayesigire Yesu. Eizina
ryawe ririmu?



Ebigambo eby'aha muheru gwa Baibuli n'okweta kurungi kw'embabazi. "Omwoyo n'Omugore nibagira bat: IJA! Orikuhurira agire ati: IJA! Oine eiriho aije; kandi weena orikwenda atwarire busha amaizi g'amagara."



Eiguru Owa Ruhanga

Ebi biihirwe omu Kigambo kya Ruhanga, Baibuli

bishange omu

Yohaana 14; 2 Abakorinso 5;
Okushuuruurwa 4, 21, 22

“Ebigambo byawe ku bishuuruurwa bireeta
omushana.” Zaaburi 119:130





Omuharu



Ebigambo by'omu Baibuli ebi nibitumanyisa Ruhanga waitu
owaatuhangire, kandi naayenda tumumanye.

Ruhanga naamanya ku turi abasiisi, nitukora ebibi. Ebihembo
by'ekibi n'okufa, kwonka Ruhanga naatukunda munonga, nikyo
yaayoyerereize Omwana we, Yesu, kukufeera aha musharaba
akafubirwa ahabwa ebibi byawe. Kwonka Yesu akazooka
yaagaruka omu Iguru. Ku orikumwikiriza, waamushaba akusaasire,
naija kukusaasira ebibi byawe. Naija omuriwe hati, naiwe nooba
omuriwe.

Ku oraabe noikiriza eki, gambira Ruhanga oti:
Ai Yesu, niinyikiriza ku ori Ruhanga, kandi ku waahindukire
omuntu okafa ahabw'ebibi byangye, okazooka; hati ori ohuriire.
Ninkushaba otaahe omu magara gangye onsaasire ebibi byangye
ntungye amagara masya hati, bwanyima nyije ntuure naiwe ebiro
byona. Nkwatsa ngume nkworobere kandi ntwaze gye nk'omwana
waawe. Amiina.

Shoma Baibuli ogambe na Ruhanga buri izooba. Yohaana 3:16

